


DEN SKINA CAYENTE...

Foto/texto :Poets

DEN AMBIENTE

**** Shonnan con ta bay cu e dushi dianan di carnaval???. Ya practicamente otro siman caba nos momento cu e lamentable noticia a drenta cu Sixta a bay laga nos. Ultimo añanan aki mi á bin siña**




**** Ay Carambaaa...Lord Cachete luchando pa logra su "CACHEE NIGHT"...**

grandioso fiesta di carnaval 45 ta bay yega na su parti culminante. Sperando cu e pueblo carnavalesco lo sa di celebra esaki den un forma contento y nos no kier tende nada di sufrimento..

**** Permeti mi pa manda mi palabranan di profundo condolencia pa mi gran amigo Calulu Comenencia y su famia, pa perdida di su querida esposa Sixta Comenencia, kende a sorprende nos ayera na**

conoce Sra. Sixta Comenencia na su prestigioso empresa Graficas Aruba y tur biaha mi a ser bon ricibi cu hopi cariño. Porcierto cu Sra. Sixta Comenencia ta un fiel amante di e seccion aki y ta lese cu hopi atencion den su totalidad. Semper e tabata tin su palabranan di elogio y admiracion pa e trabao aki y muy especial pa e viahenan cu mi ta realiza. Sra. Sixta Comenencia semper tabata motiva mi persona den e



**** Recordando e tempo glorioso di S-UNIT..Frank Artsen, Cliffy Browne y Steve Gibs..**



**** Cu tremendo cooperacion di MC Ruben Garcia, e publico aki a pose cu nan cerbez HEINEKEN dilanti e lens di DEN AMBIENTE..**

trabao aki cu su elogionan. Su falta sigur lo bay ser sinti masha hopi mes. Cu bon DIOS lo sa di tume den su Reino y cu Sixta Comenencia sosega na PAZ.

**** Ay Carambaaa..Lord Cachete su "Cachete Night" cual ta programa pa ta dia 13 di februari proximo den Platinum Club na San Nicolas ta core den peliger, ya cu na ultimo su sponser a dune di conoce cu nan no por sponser su "Cachete Night". Ta pesey mes Cachete tambe lo bay pense hopi bon, pasobra e no kier core den un debe den style di "Ay..Carambaa"..**

**** Tur cos ta muestra cu Hermanito Narvaez un biaha mas a logra pa Tele Curacao transmiti e eleccion di Aruba su Reina di Carnaval 45, cual ta priminti di bay bira algo masha interesante y sin duda un espectáculo hamas visto. Aña pasa caba Hermanito a percura pa esaki por a ser transmiti pa Curacao y Bonaire, cual a cay na masha agrado. Ta pa e motibo aki tambe Tele Curaca ta bolbe bay transmiti e magno eleccion di Reina di Carnaval 45 enbibo pa henter Antias..**


**** Despues di hopi aña e ta bek na Aruba. Nos ta referi aki na e gran cantante Cliffy Browne di e**

inolvidable banda musical S-UNIT. Den e tempo di Cliffy hunto cu S-UNIT semper nan a hasi un impacto durante e festival di Calypso & Roadmarch Contest. Actualmente Cliffy ta residencia na California, na unda e sa duna algun presentacion den e ambiente caribeño. Por a compronde cu diaranson awor por spera un presentacion di Cliffy durante e anochi Caribeño di ASOMA den Joe Laveist Sportpark..

**** Tremendo ambiente mes tabata reina durante e p r o m e "HEBE..HEBE" ..cual a ser organiza pa e dinamico Manuel de Silva dilanti su popular Manuelitos Bar. Nos bandanan local cu a**

presenta tabata, Dream, Robert y su Solo Banda Show, EQO y Climax. E publico tabata grandioso y tabata di aprecia con nan a goza sin ningun clase di problema. E popular cerbez HEINEKEN a score engrande durante e tremendo anochi aki di "HEBE..HEBEEE" ..

**** A bira ora pa nos slup laga bay y deseabo un feliz weekend di carnaval, cual ta cuminsa awe tardi na Noord, sigui pa e Lighting Parade y diadomingo carnaval di nos futuronan den cayanan di Playa. Den Carnaval corda respeta pa bo haya respet..y si ta dal mes bo kier dal e alcohol, dale na midi pa e no dalbo benta bao.."CHAO" te otro siman cu DIOS kier..**



**** Hermanito Narvaez di Tele Curacao lo ta na Aruba un biaha mas pa transmiti e eleccion di Reina di Carnaval 45, cual lo bay ta enbibo..**